



The image features a vibrant, multi-colored marbled paper background. The colors include shades of orange, green, blue, and white, with dark, swirling veins creating a complex, organic pattern. In the center of the image, there is a white circle containing the lowercase letters 'ff' in a bold, black, sans-serif font.

ff



2196.

9/89 S.T.


Trois bel exemplaire à grandes marges
de cet ouvrage dont ceci est la seule et
unique édition

dans une reliure signée "Pierson"
aux armes du Prince d'Essling



Digitized by the Internet Archive
in 2018 with funding from
Getty Research Institute





ILLVSTRISSIMO VIRO LVDOVICO CASTRÆO,

BARONI DOMOFORTIANO, CATA-

phractorum equitum cohortis

præfecto. Io. Mercerius

S. P.



VT VRVM non putabam (illu-
stris. (astræ) vt in publicum prodi-
rent quæ per intermissionem grauio-
rum studiorum composita olim à me
Emblemata in iustum volumen ex-
creuerant; cum forte obtigit qui ea
in æs incideret, & suere qui digna luce arbitraren-
tur, atque vt ederem iure quodam suo postularent.
Illius ergò vsus opera, & horum voluntati obtempe-
rans partem emitto manu. Partē inquam: neque enim
cum plura sint, qui faciendus est sumptus, nunc diuul-
gari plura patitur, licet abundè suppetat otium, &
suppetat inuito etiam. Ecquid inuito? dices: An num

A ij

id ultro exoptandum fuit veterano iuris professori? Fuit; modò cum dignitate. Expectabam id certè, ac merebar nisi valdè mihi Suffenus sum, cum in gerendo per biennium eo cui nunc maximè vrbs nostra innititur & plenam fidem habet, Magistratu, non minorem in contemnenda hominum leuissimorum contumelia, quàm in conseruanda bonorū ciuium tranquillitate spem triumphi sequutus: tum in Romanis legibus per annos viginti interpretandis, si non eximiæ, saltem mediocris eruditionis, & quod vnum prædicare licet, summæ diligentiae ac integritatis laudem consequutus. Vtroque excidi: Et spe illa triumphi, qui parum memores officij ac promissi experior etiam sui, à quibus referendam gratiam boni & cordati omnes palàm profitentur; & laude ipsa, qui eo tempore quo maximè illustris industria mea esse poterat (fatis functo cuius doctrina totum orbem peruagata est, iuris antistite, quo maiorem nec tulerunt ante, nec post latura sunt sæcula, Ia. Cuiacio) inglorius (&) obscurus lateam. Non mihi (ne quid tale cogites) vt Themistocli quondam Milciadis, ali-
cuius

cuius trophæa somnum excutiunt: Longè sum ab ambitione omni. Sed hoc identidem obuersatur animo, αἰχμήν τιτάν: Nosti cætera. Quicquid sit, hoc constitutum: cauere ne qui ante γράφεις post ἀνέγραψας fiam. Ferale id quod indictum est iustitium seruabo quādiu honestè licebit; sicubi dabitur publicè prodesse, sicubi fas erit, rationem habebo & honoris mei, & incolumitatis meorum; quaque in nauigando ars maxima (nam & vita omnis nostra nauigatio quædam est, inter spem & metum posita) si portum tenere non possim, tempestati obsequar, quo fata communia trahent sequuturus. Interim videbo ne languescam, ne torpeam, & ita reponam otium, vt etiam eius fructus aliquis esse possit. Primus hic quem vides: exiguus ille quidē, sed quem alter maior proximè sequatur. Hunc primū tibi do, dico, dedico; quia eo dignus visus es, qui bellandi fandique potenti patri similis filius (quo ipso cætera nobilitati longè antistas) prælia musis tēperas, & quod de magno Imperatore Burdigalensis poëta,

„ Quantum cessat de tempore belli,

„ Indulges variis media inter castra camænis.

*Alterum tota Gallica nobilitas feret, vt habeat si
quando ab internecino quod geritur bello requies de-
tur, quo ruri se exerceat cum vtilitate simul ac honesta
voluptate. Problemata sunt Geometrica, tanta facili-
tate expressa, vt qui vel solas literas sciuerint, cum
Archimede possint contendere. Vetera mihi ea studia:
Iis adolescentiam imbui; eadem per annos quin-
que ac viginti, eoque amplius, omissa, idonea visa sunt
quibus senectutem oblectarem, meque communibus
ærumnis affectum, imo afflictum, & nisi Deus bene
adiuuet, planè prostratum, consolarer; quibus denique
serias occupationes dispertitis horis leuiores facerem.
Dum id opus maturescat, quod ad extremum prope ad-
ductum est, hoc pignus habe obseruantia in te tuosque
mee, quam vt debeo, ita colam quoad viuam constan-
ter, & religiosè. Bene vale, & me, quod vnum faciam
plurimi, bene ama.*


Auarici Biturigum: Kal. Maij.

anno 1592.

BELLO FOVE AC PACE POTENS



ET SPOLIUM VICTI VICTRICI APOLOVE ARMA: SOPHOCLES
QVOD DEDIT AGNOMEN, CEDAT APOLO DECET.



Nec versare pilam didici, nec ludere disco,

Nec lassum pictus recreat alveolus:

Nec tali iactu, nec risu letor inani,

Nec varius mimogestus agente placet.

Segnitia inde reus vos postulor inter, amici:

Absoluar, causam dicere scilicet.

Temporis est cum quid reliqui post seria; vates

versibus impendo, pictor imaginibus.

Respirare Ceres si me permittat alumnum,

Antiqua emeritum Phœbus ad arma vocat.

Desistis hoc opus est: causa cecidistis, amici:

Ocia non segnem scilicet ipsa probant.



RELIGIO
MAXIMA

NON AMISI ATTRECTARE
VIDENTEM.



RELLIGIO SOLA EST QVÆ
MAXIMA REGNA TVETVR.

Lumine dum valuit, media quod fronte gerebat
 Qui Siculo Cyclops littore pavit oves:
 Viribus, & iustis vicinos terruit armis,
 Saevus in externis, mitis in indigenas.
 Quàm mutatus ab hoc! nil non metuēsque, timensque,
 Cacus Pigmais luditur hospitibus.

Huc intende animos caput orbis Francia; de te
 Fabula: Quid frontem contrahis? historia est.
 Religio & pietas (quæ solo lumine constat
 Publica res) curæ dum tibi vera fuit;
 Nil Germanus equus contra, nihil ausus Iberus,
 Et nihil à niveis insula dicta iugis:
 Delectata nouo cultu, civilibus armis
 Cedis, & à proprio milite diriperis;
 Quique à te accepit quondam, Saxo, Danus, Anglus,
 Helvetius, tibi nunc iura daturus adest.
 Ocius antiquæ repetas præcepta parentis,
 Ut redeat splendor qui fuit ante tuus.

NONVSQVAM CONVENIENT.



VEL NVLLA, VEL VNA
IN POPVLO RELIGIO EST
SEMPER.

*Villicus agresti tauro coniunxit a sellum,
 Vt ferro intactam sollicitaret humum.
 Hinc boue, & inde asino cultrum rapiente priorem,
 Pingue solum sulcis finditur imparibus:
 Maxima pars inarata iacet, quam vomer acutus
 Præteriit, segeti pars minus apta satæ.
 Qui varios cultus in regno iungit eodem,
 Vt plures careant religione facti.*



POST BELLVM FAX LONGA
MANET

QVIS LOCVS ARMIS?



POST BELLVM PAX LONGA
MANET.

*Et galea, & denso plastes thorace Mineruam
 Contegit, atque armis ornat vtramque manum;
 Pacis amans docto celebratur carmine vatum:
 Versibus an terræ est maior habenda fides?*

*Et plasta fingunt, & scribunt vera poetæ:
 Namque sequi bellum pax diuturna solet.*

ALITER.

*Casside operta caput, pectus thorace, patrima
 Quæris spectator quid sibi virgo velit.
 Lancea inest manui dextra, clipeusque sinistra:
 Belligeram ista probant arma fuisse deam:
 Pacis ei inuentum (dices) tribuere poetæ,
 Nota ex Cecropiis manibus historia.*

*Conueniunt satis hæc. Longi post damna duelli
 Plurima, securæ tempora pacis erunt.*

DIFFVSVM TOTO CORPORE
VVLNVS HABET.



SEQVITVR SVA POENA
SVPERBOS.

*Agnoscis tandem nimis audax Martia, quantum
Cedat dulci sonæ tibia rauca lyra:
Et quo tu inspiens certasti pignore, musis
Judicibus pellem victor Apollo refert.*

*O vtinam qui se Stulti sapientibus æquant,
Exemplo possint velle pudere tuo.*



VSQVE SEQVENTVR.



VLTIO CERTA MANET
SCELERI.

*Æstate vt media volucris bos percitus æstro,
 Quem cornu aut fiffio pellere calce nequit,
 Diffugit, & passim stimulis exterritus, omnes
 Vicino effusus orbe pererrat agros:
 Sed quoquo excurrit, multus circumuolat hostis,
 Vulneraque in cæco pectore cæca parat.*

*Frustra quis refugit cælestis numinis iram,
 Persequitur vindex crimina nota deus.*



NON CYRAVERE NEPOTES.



SOLA MORI NESCIT VIRTUS.

*Archimedis corpus, tornato illustre cylindro,
Et sphaerae circis nobile, marmor habet:
Urbe Siracusia fuit hoc nil clarius olim,
Nunc densis tectum vepribus obruitur.*

*Turpis & insana est praestantis cura sepulchri,
Virtus pro tumulo sit sua cuique suo.*



RECTAM FINXERE PRIORES.



OTIA SI TOLLAS PERIERE
CVPIDINIS ARTES.

Cuius imago Deæ es? pueri sum mater amoris:

Cuius opus? sculpsit docta manus Canachi.

Qua ratione sedes rectam simulachra priorum

Cum faciant? segnis res mihi grata quies,

Otia grata mihi: Quò te male suada voluptas

Non vexet rogitas? res age tutus eris.



CONDESCENDIT LIBRO
LINGVÆ VITIVÆ MAIÆ
AVIAM MVITIVÆ VONIL

C iij

NIL TURPE LOQVENDVM.



COMPESCENDA LIBIDO: SED
LINGVÆ VITIVM MAIVS.

*Ori admouens dextram, pudendis alteram,
Dum dormit Anacharsis, manum:
Cohibere linguam, & improbam libidinem,
Sed maximè linguam, docet.*



QVOS DECVIT SERVARE
NECAT.



SCELERATI PRINCIPIS
ARTES.

Hac vetus est veteris diuorum patris imago,
 Qui natos auido deuorat ore suos.
 Tempus edax rerum, & nimium inuidiosa vetustas,
 Omnia consumunt: μυθολογία placet.
 Et pater est populi cuius moderatur habenas
 Princeps: Vis scire ut fictio conueniat?
 Δημοβόρος βασιλεύς ab Achille vocatus Atrides,
 Quod grauibus Græcos flecteret imperiis.



FERRE IVGVM NESCIT
HONESTVS AMOR.



VT CERTA SEMPER PACE
FRVARIS, AMA.

*Penniger, imberbis, veste orbis, lumine cassus,
Præcinctus phæetris, robore deficiens.*

*Talis amor veterum monumentis pingitur, ille
Quem peperit Marti Cypris amata suo.*

*Alter is est, cuius contraria prostat imago;
Quem Venus, & Veneris filius odit Amor.*

*Non pennis celebris, nec cursu præpete clarus:
Testudo est tardum quæ vehit axe deum.*

*Non puer est: mento barbam qui gestet opacam,
Et cuius cani tempora sacra tegunt.*

*Non nudus: fidi vestitur pelle molossi
Pectore in aduerso, cetera vellus habet.*

*Non oculis captus, nec vitta obductus inani:
Aspectu Lynceum qui superare potest.*

*Non grauis est iaculis, nec tenso nobilis arcu:
Pacis amans oleæ fragmina dextra tenet.*

*Non infirmus: habet magnas in corpore vires,
Atque omnes, vinci nescius ipse, premit.*

*Hoc spectes veri laudandum exemplar amoris,
Vt sint quos sanctè sanctus amare scias.*

CEDVNT QVI ANTE
COLEBANT.



VVLGI INCERTVS AMOR.

*Dum stetit alta, altis quondam radicibus hærens,
 Nullius est quercus saucia facta manu:
 Nunc Boreæ aduerso prostratam flamine, multus
 Succidit multis viribus agricola.*

*Si fortuna suis opibus tua vota secundet,
 Præsto aderit tibi plebs obsequiosa nimis:
 Sin contra imminuat tua cæpta potentior hostis,
 Damni aliquid metuens, oprimet insidiis.*



VACVAM ALTER HABEBIT.



IVS DICENS PARTI FACILEM
SE PRÆSTET VTRIQUE.

*Aurem vnā aētori princeps qui commodat equam,
Atque aliam palma comprimit opposita:
Hoc pręstat, ne sit facienti crimen inultum,
Insones purgent scommata falsa rei.*

*Iustitiam quisquis populo impartitur, & iram
Sistat, & iniustis temperet à lachrimis.*



INDIGNVS HONORE
SEPVLCHRI.



A VIRTUTE ANIMVS MAGIS HAVD
RE ABDVCITVR VLLA.

*Quod mortuos exenterent Ægyptij,
Et ventre proiecto foras,
Inane pingui corpus imponant rogo,
Lectore credant marmorj:
Ventre[m] esse maximam scelerum causam docent
Quæ quisque viuis perpetret.*





MAIORES FECISSE NOCET.

Vitem humilem tenuis firmatam robore pali,

Excoluit multos villicus iste dies:

Postmodo vicina sociavit ineptus olivæ,

Maioris fructus præmia parta putans:

Illa sed excelsum ramis complexa cacumen,

Immensa cepit luxuriare coma:

Destitit agricola elatam compescere ferro,

Vt sint facta eius vota caduca vides.

Quæ densis olim pendebat onusta racemis,

Nil acinos præter, granaque rara gerit:

Ornavit quondam secundæ pocula mensæ,

Iam iam cornices nutrit & erithacos.

Sic vestro (reges) ditati munere, quorum

Personat antiquum fortia facta genus:

Dum scurris faciles, faciles consortibus adsunt,

Nulla vos dominos utilitate iuvant.

DEBVERAS FECISSE PRIVS.



MVTATIO DVR A SENECTÆ.

*Quod facit annosam qui plantat villicus vlmum;
 Hoc faciunt senibus qui dare verba solent.
 Arbor mutata nusquam tellure virescet;
 Atque habitam seruat quo fuit ante senex.*



HOC SINE NIL POSSVNT.



PARTA LABORE VENIT
VIRTVS.

*Herculis ara, ter atque trium simulachra sororum
Sustinet; huic populus publica vota facit.*

*Communis flamen, communia sacra, precesque:
Quid commune deus quæso deabus habet?*

*Hæ studiis præsunt, moderantur & artibus artes,
Illius immodicus fertur ad astra labor.*

*Haud facile emerget, quisquis tolerare laborem
Non poterit: Virtus quæque laboris eget.*



NVSQVAM INVENIAS.



REM SIBI QVISQVE
SVAM CVRAT.

Quid Cinice accensa collustras lampade, solis;
 Cum radiant medio lumina plena die?
 Num quis forte hominum tanta regione moretur
 Hactenus inquiero, nec reperisse datum est.
 Cæcus & insipiens, qui tot modo præteris; ecce
 Plebs hoc circumstet quàm numerosa foro.
 Illum vexat amor nimium sceleratus habendi,
 Hunc agit ambitio, fraudibus ille vacat.
 Ergo hominem esse putas vitio qui temperet omni?
 Qui propriis præfert publica, solus homo est.
 Parce oleo infælix, Phæbi nec abutere flammis;
 Haud quisquam est tali præditus ingenio:
 Tempora forte homines veros transacta tulere,
 Sacula vix ullos posteriora ferent.

NON EST SEVARE
 TYRANNUS.

INTEGRA PARS MELIOR
REMANET.



NON EST SECVRA
TYRANNIS.

*Etsi corpus edat volucris quam cepit, & exta;
Cor tamen illæsum deserit accipiter.
Etsi diripiat populi bona cuncta tyrannus;
Vlciscendi animum non tamen imminuit.*



TEMPLI SALVVS HONOS



A SVPERIS BONA MENS:
HANC DANT SI MENTE
ROGENTVR.

*Ob scelus infandum furiis agitatus Orestes,
Errabat variis irrequietus agris.
Ingressus Phæbi quæ fors delubra patebant,
Solamen taciti sensit adesse mali.
Vltrices siquidem steterant in limine Diræ,
Interdicta quibus sunt sacra templa Deûm.*

*Si quis te genius, vel noxia vexet Erynnis,
A summo repetas numine tutus opem.*



NIL REVOCARE POTEST.



SPERNIT CONSILIVM LVCRIVM
CAPTATOR AVARVS.

*Decidit ecce frequens collectis nubibus imber,
 Perpluitur mediis tardus a sellus agris:
 Non tamen accelerat, nec se committere tecto
 Dignatur stabulo, nec tegere arboribus;
 Quin ferulas largo decerpit rore madentes,
 Et dura replet carice corpus iners.*

*Huic similis verè est, quicumque attentior ad rem,
 Parui rumores & maledicta facit.*



ODISSE FVIT MELIVS.



QVI NIMIVS NON DIV-
TVRNVS AMOR.

*Amplexu catulos suos frequenti
 Stringens Simius enecat φίλους.
 Si quid forte voles diu placere,
 Vnum ne placeat nimis caueto:
 Est omne immodicum brevis senectæ.*



SIC VOLVERE DII.



VT CAUSA, DIES NOS
MORTIS PRÆTERIT.

*In mediis vates confederat Æschylus agris,
Velabant canum tegmina nulla caput:
Caluitie decepta aquila est, dimisit ab altis
Ostrea uti saxo comminuenda iugis;
Saucius interiit vates: non vlla iacentis
Culpa fuit, nec aus crimen in arte fuit.
Frustra quem insimules: Sensim sua quęque sequuntur
Fata virum; soli cognita causa deo est.*



NIL PRÆTER VOTA
REQUIRIT.



IVRE POTES, NE VI AVT
VERBIS CONTENDE
MOLESTIS.

*Terminus huic medius mediæ superimminet aræ,
 Cui fieri magnum sanguine sacra scelus.
 Victima nulla cadit, nullum ante altare bidental
 Perfusum moritur cornua bina mero.
 Cætera vix aliter creduntur numina flecti,
 Solus de superis vota cruenta fugit.
 Finibus incumbit, fines sine sanguine debent
 Servari, solus quos bene servat amor.*



NIL ADDIT HONORIS.




PRÆSTAT SAPIENTIA
FORMÆ.

*Setigeri ex rostro pendet suis annulus, auro,
Et gemma, & docta nobilis arte manus.
Absimilis non est mulier quæ pulchra, sed amens:
Quæ male morata est virgo, timenda viro est.*

*Qui nubis, mores non formam vxoris amato;
Nil expers animi forma venusta iuuat.*



QVÆCVMQVE OCCVLTA
REQVIRVNT.




NON IMPVNE SCELVS
FVERIT CUIQVAM.

*Quod canis assistat Laribus, quod pelle canina
Induti lustrent abdita quæque domi:
Comprobat esse deo fidos vigilesque ministros
Qui scelera inquirant, obiiciantque reis.*

*Ignotum superis nihil est, præsentia cælo
In terris multos post facienda dies.*



NIL OPTANDVM AMPLIVS.




SATIS EST QVOD VITÆ
SVFFICIT.

*Euentum iste bonum præfert lapis: Isthmius olim
Vulgatum sculptor marmore finxit opus.
Dextra manus pateram splendenti rore madentem,
Spicam, & sommiferum læua papauer habet.*

*Vtuntur facili somno, qui ex fructibus agri
Percipiunt, vitæ quod queat esse satis.*



QVOD FECIT, PATITVR.



QVOD TIBI NON OPTES
FIERI, NE FECERIS
VLLI.

*Cum ruit in venerem, tumidum caput inserit ori
Vxoris, coitu turpis Echidna nouo.
Sed fœcunda maris satiata libidine coniunx,
Insertum rabido conterit ore caput.
Parturit hac eadem corroso viscere fœtus
Insidiis: proli cedit vterque parens.*

*Natura ius est vt quod quis fecerit vltro,
Posthac inuitus perpetiatur idem.*



NVLLA PARTE POTEST
LÆDI.



TVTVS AB INVIDIA EST
QVISQVIS SE COMPRIMIT
IPSVM.

*Contractis pedibus, longoque Ericius ore;
Spernit latrantes tutus vtrunque canes:
Corpore nam reliquo villis exhorret acutis,
Nec qua parte ferus mordeat hostis habet.*

*Qui primos animi motus ratione coërcet,
Omnem à se sapiens submouet inuidiam.*



ALTER AB ALTERIVS
DISSIDET INGENIO.



NIL GRAVE CONANTI.

*Dissimile hîc iter est, & dispare mente viator;
Plana via vna quidem est, horret at vna rubis.
Sedulus & sapiens iter actor læue frequentat,
Per sentes quiuis disidiosus agit.*

*Difficile est quiduis nolenti, & adire timenti:
Sed facit assiduus peruia quæque labor.*



ARTE SVA PERIIT.



INCUMBAS STUDIIS
FINEM QVI QVÆRIS
AMORI.

*Sola inter superos Ioue nata, libidinis expers
Pallas, & impuri nescia amoris erat:
Hanc quoque, ne probro cæli pars vlla careret,
Inuasit pharetra & fraude Cupido potens.
Illa sed opposito (nil territa) Gorgonis ore,
Vitavit nudi plumbea tela dei.
Versus in authorem furor est, reflexa sagitta
Numinis infecit corda sagittiferis;
Cumque pati magnum non posset vulneris ignem,
Saucius è summo decidit axe puer.*

*Est infestus amor studiis, sed vincit amorem,
Qui studiis operam collocat assiduam.*

RECVRRET IN ALTVM.



NON FACILE EST CUIQVAM
MORES MVTARE
PRIORES.

*Frustra vtrem vento conaris mergere plenum,
Ocius ad summas vsque redibit aquas.
Assuetum vitiis frustra mutare labores,
Natura sequitur semina quisque sua.*



OPERAM CVM DAMNO
LVDIT INEPTVS.



SCIRE TVVM NIHIL EST,
NISI RECTOS CEDAT
IN VSVS.

*Ecquæ stultitia est, vt qui se exerceat arcu,
In silicis vibret spicula crebra scopum?
Deficiet signum, iaculorum frustra iacebunt,
Artis & ignarus plurima damna feret.*

*Non satis est has esse bonas quibus vtitur artes
Quisque, bonas vsus nam bonus ipse facit.*



MALVM IMMINET.



SOLLICITI EST REGVM
SORS PLENA TI-
MORIS.

Quid tibi tantæ epulæ? quid tam bene culta supellex?

Quid famuli accincti? quid galeata cohors?

Sursum attolle caput; pendens laquearibus aureis

Imminet en ingulo cuspis acuta tuo.

Est prope ut intereas, setæ non ensis equina

Possunt fulgentis pondera ferre diu.

Quid miser? extremos gelidus tremor occupat artus?

Nunc præfers vitæ regia sceptræ tuæ?

Istud (adulanti Dionysius inquit amico)

Est commune malum regibus, ut metuant.



QVO PLVRES NVTRIAT.



CÆLITVS OMNE BONVM.

*Quæ simulachra vides Pario de marmore, lector,
Cælestis referunt munera grata patris.
Cincta dea est mammis plenis, atque vbere multo;
Qualis quondam Epheſi pulchra Diana fuit.
Scilicet agnouit proauorum docta vetuſtas,
Eſſe Deum qui nos intus, & extus alit.*



METVAT. SIBI. CONSCIUS.



INSONTES ETIAM METVS
OPPRIMIT.

*Hyppolitus metuens scelerata falsa nouerca
 Indicia, ipse sibi comparat exilium;
 Conscendit currum, visis in littore Phocis
 Absternatur equus, decedit axe puer;
 Per medios rapitur scopulos, perque inuia saxa,
 Et quæ vitauit crimina, morte luit.*

*Non est quod metuas rumores plebis iniquæ,
 Si quid agas recti conscius ipse tibi.*



OFFICII IMMEMORES
 PRESENTIA SOLA
 COERCET.

SI MOVEAS TOTA
EFFLVET.



OFFICII IMMEMORES
PRÆSENTIA SOLA
COERCET.

*Arentes olitor studiosus vt irriget hortos,
 Summa hydriae obiectu pollicis ora tegit.
 Imus habet rimas, & aperta foramina venter;
 Nec tamen è pleno guttula vase cadit.
 Pollice subducto, largus diffunditur amnis,
 Et vacuum præceps occupat aura locum.*

*Hoc puero præstat præsentis cura magistri
 Vt queat imbibiti dogmatis esse memor,*



IN AGRICOLÆ CESSIT
MELIVS.



QVÆ SVA SVNT VVLGVS,
TRACTET DIVINA
SACERDOS.

Peram humeris habilem, positis talaribus, Hermes
 Sumpsit, & angusta rexit aratra manu;
 Lectaque mandauit bene cultæ semina terræ:
 Artifici tanto quàm male cedit opus!
 Expectata seges vanis mutatur auenis,
 Frumenti cyanus fungitur alta vicem,
 Hirsutus totos populatur carduus agros,
 Et lolio, & tribulis, sæta laborat humus.

Diuini postquam vulgo sunt credita verbi
 Arcana, vna fides cui satis ante fuit.
 Corrupta est veterū vetus hæc quoque forma sacrorū,
 Et subiere eius dogmata falsa locum.

AMLOP TATS MAVQWVI
 MAVQWVI

VSQVE RECVRRET.



NVNQVAM STAT POENA
MALORVM.

*Proditor Æolides mediis rotat ignibus orbem,
 Et graue per flammās, per freta voluit onus;
 Dūmque putat finem iusso fecisse labori,
 Pondera labuntur viribus ipsa suis.*

*Quicquid viui agimus, post funera plectitur Orcos;
 Vita breuis, pœnæ nulla futura quies.*



VIVERE NON POTUIT
CORRUPTA.



SERVATVS LAVS MAGNA
PVDOR.

*Qui tumultum hunc servat turtur, candentibus alis,
Signa refert certæ certa pudiciæ.*

*Hic romana iacet celebris Lucretia fama,
Vim passa à iuncto sanguine Tarquinio.
Hoc scelus ipsa, virum, charos testata parentes,
Et testata deos, ulta cruore suo est.*

*Si quæ forte fidem nolint præstare maritis,
Illarum Coccyx busta nefanda colat.*



SIBI. NOXIA SOLI.



INVIDVS IPSE SIBI
DAMNO EST.

*A tygride Hyrcanus pastor conseruat ouile,
Agresti tundens timpana rauca manu.
Hæc fera nam sonitu tantas exardet in iras
Ignoto, vt faciat vulnera plura sibi.*

*Æmulus alterius, dum constans laudibus effert
Fama sibi infestum, rumpitur inuidia.*



QVID METVS AD PVERVM?



NESCIT AMARE TIMOR.

Irati vt vitet patris Medæa furorem,
Absyrti irato traiecit ense caput,
Membraque diuellit, diuulsaque spargit in agros
Semotos, æqui fratris iniqua soror:
Vt pater oblitus lachrimis dum colligit artus,
Et tumulo, & luctu, triste retardet iter.

Qui metuit, generis nullo retinetur amore:
Sed malè parta nimis, parta furore salus



INSIDIOSVS AMOR.



HOSTILES ANIMOS FICTVS
AMICVS HABET.

*Accensis facibus genitor Palamedis, & vltor,
Ostentans certum pro statione locum;
In scopulos græcas pellexit fraude carinas,
Atque nouis omnes perdidit insidiis.*

*Non temere est facili credendum semper amico,
Promptus amor vulgi, fictus at esse solet.*



NEC VIS, NEC VIRTVS,
REVOCAT VOX IMPROBA
TANTVM.



IUDICIUM POPVLI, MAGNIS
CONATIBVS OBSTAT.

*Quantumcumque ferox elephas, superatur ab hoste,
 Si porcorum acies grunniat opposita:
 Fortis Alexander medios penetrauit ad Indos,
 Infestum hac animal classibus arte fugans.*

*Ingenuos homines sententia plebis iniqua
 Vexat, & a rebus distrabit ingenuis.*



IRRITVS ISTE LABOR.



ANTIQVI IVRIS NVNQVAM
TEMERANDA POTESTAS.

*Terrigenæ addiderant saxis saxa ardua fratres,
 Montibus & montes, & iuga summa iugis.
 Vt cælum regerent pulsæ cælestibus orbe,
 Ignari summos omnia posse deos.
 Cum pater altitonans, demisso fulminis igne,
 Perdidit, & ceptum debilitavit opus.*

*Non inpune ferent, qui patrum dogmata spernunt,
 Et populo obtrudant iura nouella suo.*



PAR ERAT DVM INSTARET
HVMI.



ERIGE TE QVISQVIS
VANOS SECTARIS
HONORES.

*Herculis Antæus fregit, luditque laborem,
 Quandudum terram tangere posse datum est:
 Fortibus ut primum est manibus sublatus in altum,
 Excessit toto corpore robur iners.*

*Flectere qui mentem cupiet, quam seu a libido
 Vexat; ab humanis temperet illecebris.*



AVDET IS, ILLE TIMET.



FORTITER AVDE,
FORTVNA ET COMITEM
SE DABIT IPSA TIBI.

Extremis asinus dum potat flumina labris.

Lambit, equus totum mergit ab aure caput.

In studiis vsu venit hoc, quos equus amauit

Iupiter, vt quisque plus valet ingenio,

Nullo terretur discrimine, rebus agendis

Instat, nil impar viribus esse putat.

Degeneres animos timor arguit, obice paruo,

Spem consternati funditus abiiciunt.



TUTIVS EN FVERAT
SERVIISSE.



A PVERIS ASSVESCE, SENI
SERVIRE MOLE-
STVM EST.

*Hinnulus, excusso domitore, effrenis in omnes
 Effusus circum fertur anhelus agros,
 Et sese cursu nullo cogente fatigans,
 Vires ipse suas turpiter imminuit.*


*Libertate vti qui primis nescit ab annis,
 Ipse sibi certum comparat exitium.*



LIBERTAS OMNIBUS EAM
 RATIO MODERATA
 AMOREM

N iiiij

SACRVM COMMVNE
DVOBVS.



SANA MINVS SANVM
RATIO MODERATVR
AMOREM.

*Mercurium & Venerem communis sustinet ara,
Constantis referens symbola coniugij.
Namque iugalis eget compto sermone voluptas,
Nec diuturnus amor qui ratione caret.*



ULTIO CERTA MANET.



PRÆFERTVR VITÆ TURPI
MORS QVÆVIS
HONESTA.

*Arbore frondosa tectus venator, in Vrum
Tela iacit longè viribus inferior.
Saucius iste nemus totum percurrit, vt hostem
Interitus vindex opprimat vsque sui.
Sin spes deficiat, patulas impingit in alnos,
Seque furens propriis viribus interimit.*

*Hoc animi est fortis nihil vt patiatur inultum,
Vir bonus impatiens criminis esse solet.*



QVID TVMVLVS VIVO?



SCRIPTA VEL IPSA DO-
CENT NON POTVISSE
MORI.

*Cuiacj est tumulus viri ornatissimi,
(Viator isthuc respice)
Diruere quem tres de nouem sororibus
Certant, graui conamine .
De litteris male meritum ideo ne putes;
Musis fuit charissimus.
Quid igitur, inquires, monumentum vt destruant,
Æternitati creditum?
Ad mortuos sepulchra: mortuum negant,
Per ora qui viuat virum.
Et ipse tumulum viuus extruxit sibi,
Ærugo quem nulla exedat:
Professus artes omnigenas, sed maximè
Iuris vtriusque peritiam;
Conscripsit omnibus referta volumina,
Tumulum futurum mortuo.*



Phæbus & alma Ceres de me certamen inibant,

Cum studiis addi vellet vterque suis.

Illustret leges, inquit Saturnia, per quas

Non minimo patria claret in vrbe loco.

Versibus exornet musas, contra infit Apollo,

Artis quicquid habet musa latina dedit.

Intercedo Diis magna certantibus ira,

Ore fæuete (inquam) numina sancta precor:

Sedulus amborum faciam rata vota sacerdos,

Præstabit donis author vterque suis.

Describam inuentum non festis iura diebus,

Diua, tuum; festis carmina, Phæbe, tuum.

Otia si solitum nequeant superare laborem,

Æquabunt Diuæ ne Deus inuideat.

THE NEW YORK PUBLIC LIBRARY
ASTOR LENOX TILDEN FOUNDATION
155 E. 42ND STREET, NEW YORK 17, N.Y.

THE NEW YORK PUBLIC LIBRARY
ASTOR LENOX TILDEN FOUNDATION
155 E. 42ND STREET, NEW YORK 17, N.Y.

6-10-10

July 11, 1910





